



LECTIO PREADOLEXENTE - ADOLEXENTE SIRA

HA'U HARUKA

IMI



Pasajen ida ne'e, kona-ba misaun, bele hetan fraze keta-ketak iha evanjelista Markos no Lukas, maibé evanjelista Mateus tau hamutuk Jezús nia diskursu hotu kona-ba misaun iha kap. 10 ne'ebé bele bolu "hahalok misaun nian".

Loloos iha kap. 9,35 Mateus hatudu ona Jezús nia hahalok misionáriu: nia halo  sinteze kona-ba buat ne'ebé Jezús halo hodi oferese ba eskolante sira nu'udar modelu ba sira-nia hahalok.

Versikulu 9,36 hatudu Jezús nia laran sadi'a, nia kompaixaun ba ema sira ne'ebé halo ita komprende nia hahalok nia hun iha ne'ebé.

Kap. 10 hahú hodi temi eskolante na'in 12 nia naran: Jezús bolu sira atu sai protagonista misaun nian, maibé sira reprezenta kreda tomak, bele dehan katak sira reprezenta sarani sira hotu, ita ida-idak ne'ebé simu bolun atu haklaken Maromak nia Reinu.

Prenxe tiha, preadolexente sira bele koko atu fahe sira-nia reflesaun kona-ba pon-tu ida-idak

	hakerek fraze...	... husi versikulu?
Misaun ba se?		
Misaun nia hahalok sa de'it?		
Oinsá misionáriu ida tenke hala'o?		

"Imi keta tuir gentiu sira nia dalan, ... maibé imi buka uluk bibi sira ne'ebé lakon husi Israel nia uma-kain: preadolexente sira bele hakfodak tanba parese katak Jezús halo diskriminasaun, maibé pasajen ida ne'e espresa buat ne'ebé de fatu Jezús halo: Nia hahú haklaken Maromak nia Liafuan ba povu Israel, maibé Nia la hakribit ema sira husi povu seluk. (importante hatudu relasaun entre pasajen ida

ne'e no vers. 28,19 iha ne'ebé Jezús haruka eskolante sira ba nasaun hotu-hotu.

Imi haklaken tuir dalan katak Reinu lalehan besik ona. Imi halo moras sira hetan isin di'ak, ...: se konsidera ho atensaun versikulu sira ne'e, bele haree katak misaun la'ós ko'alia ka haklaken de'it, maibé misaun mak servisu konkretu, ne'ebé troka ema nia moris. Iha ninia moris, Jezús rasik ko'alia no "halo" dala ida: Ninia liafuan sira iha valór tanba nia suporta sira ho Ninia hahalok.

Keta lori osan mean, osan mutin eh osan riti iha imi-nia futukabun...: Jezús nia liafuan leno Ninia hahalok. Atu bele hala'o misaun didi'ak presiza sai kiak no laran luak, katak la bele konfia iha ninia an rasik ka iha sasán sira, maibé presiza konfia de'it ba Maromak

... imi husu lai se ema di'ak, hela iha ne'ebá to'o imi fila: fraze ida ne'e tulun atu komprende katak misionáriu sira, hanesan sidade iha foho leten, katak ema hotu hateke ba sira, nune'e presiza hatudu moris loos, transparente, hatudu Maromak nia domin. Fraze ida ne'e la kohi dehan atu hakribiit ema sala na'in (ita hotu sala na'in), maibé hakarak fó hanoin katak ita-nia hahalok hotu, belun sira ne'ebé ita hili, kolega sira ne'ebé la'o hamutuk ho ita, bele influénsia ita-nia mensajen.



Halo tiha komentariu ba Evanjellu, bele koko atu husu ba preadolexente sira oinsá aplika reflesaun sira ne'e ba sira-nia moris.

Ez: katak sa ba adolexente ida moris kiak no laran luak? Oinsá sira bele haklaken Evanjellu no hatudu hahalok evanjeliku nian? Sira bele hakbesik kolega ruma ne'ebé dook husi fiar? Atu dehan sa loos? (husi sira-nia resposta bele hetan empeñu ba tempu ida ne'e nian)

Bele fó tempu uitoan atu preadolexente ida-idak hakerek ninia orasaun misionária; iha bensaun furak ida ne'ebé iha rai ruma, amlulik uza depois de Missa atu haruka sarani sira ba haklaken Evanjellu:

Na'i sei hamutuk ho imi atu proteje imi, Nia sei la'o iha imi-nia oin atu gia imi, Nia sei la'o iha imi-nia kotuk atu tau matan ba imi, Nia sei horik iha imi atu fó bensa ba imi.